



Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Actio gratiarum pro Iesu furiosa ad Caypham ductione, vexationibus
omnifarijs, damnatione, ad Pilatum tractione, accusationibus, ductione ad
Herodem illusionem, & ad Pilatum remissione. Cap. IV.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

Dulcis Iesu, absorbeat me totum quæso iugis memoria passionis tuæ; absorbeat me totum ignea vis dilectionis tuæ, vt te solum cogitem, te solum concupiscam & sciam, ad te solum suspiram atq; anhelem, in te solo requiescam, & tibi tota voluntatis resignatione vniri desiderem.

Spiritu quoq; veritatis me semper illumina, ad efficaciter illa petenda coram te, quæ gratissimi tui sunt beneplaciti, & animæ meæ salutis. Et vt deiiceps in dies magis in vera mei ipsius abnegatione me ipsum in omnibus prorsus exire, & omni priuato amori emori discam & studeam, vt nullis vnquam hostium meorum illecebris ad ea quæ contra te sunt, perducatur: sed gratia tua omnes animæ & corporis vires fortiter alligare, & captiuare valeam in tui imitationem & æternum honorem; vt sic vnus in veritate tecum efficiar spiritus, siq; mihi tecum idem nolle & idem velle.

Respice igitur obsecro nunc clementissime Domine Iesu, miseram hanc & miserabilem meam captiuitatem, qua ligatus nimis teneor. En inter quot pericula versor, inter quot delicta constringor: quot vitijs & concupiscentijs seruiens miser fatigor: quanta peccandi consuetudine quasi captiuus teneor: quanta corruptione interioris hominis vt victus trahor. Respice qui soluis compeditos, & miserere, atq; verbi tui virtute omnes hostium meorum vires prosterne, libera me ab omni captiuitate peccati, & vinculis: mandatorum tuorum indissolubili nexu amoris me tibi constringe, vt nihil mihi in hoc mundo libeat, quàm beneplacito tuo semper obtemperare, & tibi inseparabiliter inhzere, Amen.

Actio gratiarum pro Iesu furiosa ad Caypham ductione, vexationibus omnifarijs, damnatione, ad Pilatum tractione, accusationibus, ductione ad Herodem, illusionem, & ad Pilatum remissione.

CAPVT IV.

Dulcissime Iesu, recole in quantam ignominiam, abiectiōem & despectum de induxit & grauissima mea iniquitas, & tua immensa charitas. Siquidē inde actum est, vt pro me tu, cum tumultu furentium & armorum strepitu opprobriose, inter iniuriosa verba ac durissima verbera & tormenta ad Caypham ductus, à falsis testibus iniquè fueris accusatus, tumide interrogatus, irreuerenter adiuratus, pro sancta quoq; responsione blasphemix indecenter accusatus, ac tandem quasi mortis propterea reus iniuste damnatus: deinde alapis, pugnis & colaphis cæsus, vnguibus vellicatus, barba ac crinibus tractus, fœda abominabilis hostium immunditia conspuratus.

In quibus omnibus dulcissime Iesu, non solum cum voluntario & libenti, sed & cum ardentissimo salutis omnium nostrum desiderio, & mansuetissima humilitate dediisti genas tuas vellentibus, faciem tuam increpantibus ac conspuentibus, & totum corpus tuum percutientibus, donec neq; speciem, neq; decorem habens vt leprosus, vt percussus à Deo, vt deniq; nouissimus virorum omnium esses reputatus, atque cunctis iam in derisionem & opprobrium factus, tota nocte cadereris, velareris, subsannareris, illudereris.

Et mane facto, post iniquum eorum consilium, duris vinculis strictus, facie conspuratus, & totus deformatus, ductus es ad Pilatum: vbi à principibus, & populi senioribus inter cætera ipsoꝝ efficta mendacia, seditionis etiam, atq; criminis læsæ maiestatis iniquè es accusatus. Porro cum Galilæus dicereris, à Pilato ad Herodem

Lucæ 21.

dem (sub cuius te esse potestate arbitrabantur) es remissus. Quo pergens, inter opprobria & calumnias atq; clamores, per ciuitatis medium ducbaris. Vbi cum Herode te videre atq; audire gestienti, neq; responderes, neq; vllum miraculum ostenderes, ab iplo omnib; exercitu eius spreus es, calumniatus es, in alba veste illusus es, & regia aula eiectus es, & Pilato non aliter atq; fatuus remissus es.

Ioan. 18.

Hei bone Iesu, quàm ignominiosissime tum ducbaris, quàm violenter impellebaris, quàm probrosè subfannabaris. Vbiq; spectaculum & opprobrium, abiectio, fabula, & ludibrium factus eras toto populo, atq; etiã pueris & cæteris vilibus personis accurrentibus, & tanquam insanum te irridentibus.

Pro mansuetudine, humilitate, patientia & sui cognitione, Preatio, IV.

PRO quibus singulis & vniuersis ex intimis affectibus meis, nec non & omnium coelestium & terrestrium, & specialiter per amorosum cor virginæ matris tuæ laudo, benedico, adoro te & gratias ago tibi, obsecrans te per teipsum, dulcissime amor meus bone Iesu, vt per omnia ineffabilia illa cruciamenta & ludibria atq; iniurias, quibus per totam noctem mitissimus & innocentissimus agnus fatigatus es, semper & vbiq; mihi des tuam strenuè imitari mansuetudinem, humilitatem & patientiam, idq; in veritate: vtq; cordis mei velamen tollas, & ignorantie tenebras pellas, atq; illud illumines veraci cognitione meipsum, propriæq; iniquitatis, vilitatis & nihilitatis meæ: vt sic ipsam rei veritatem cernens, cum perfecto odio & sancta displicentiã meipsum, toto corde me despiceam, omni homini me subiiciam, cunctos mihi præferam, & præferri cupiam, de mei contèptu ex corde gaudeam, contemptores me sincere & ex animo diligam. Amem ipse resciri, totus vilis & nequaquam humilis æstimari, despectusq; haberi. Amem te dulcis Iesu toto corde, desiderem te ab omnibus cognosci, diligi & honorari.

Et vt in me magis hæc fiant, dulcem tui cognitionis faciem, omnis perfectionis speculum mihi reuela, ac semper oculis meis prætende, vt in eo meas innumeras deprehendam maculas, tuumq; erga nos tam immensum & eximium amorem atq; superabundantem & infinitam bonitatem: sicutq; indies in me crescant & profundissima humilitas simul, & perfectissima charitas.

Da etiam mihi dulcissime Iesu spiritum veri consilij semper obedientissima sequi, vt nunquam pranis hostium meorum consentiam nec capiar instinctibus, atq; vt nunquam ex ore meo quippiam exeat, quo nomen tuum sanctum inhonoretur. Da insuper, vt nunquam agam, quo facies & imago diuinitatis tuæ animæ meæ impressa, decedari possit, quo euadere quæam horribilem illam sententiam: Reus est mortis æternæ, Amen.

Actio gratiarum pro Iesu post sui comparisonem cum pessimo Latrone, ignominiosa nudatione, crudelissima ligatione, inmanissima & dolorosissima flagellatione, dilaceratione, sanguinisq; effusione & conculcatione.

CAPVT V.

Pla 44.

Mat 25.

Luc. 25.

AETERNÆ gloriæ splendor Iesu elegantissime, & præ filiis hominum spetiose, animæ meæ electissime sponse, quantum teipsum abiicisti propter nos, quando flagitioso latroni nedum comparari à Præside, sed etiam ab electa plebe tua postponi, nequior & vita indignior æstimari dignatus es. O piissime Iesu, quam benignus etiam nobis, & quam rigidus atq; durus es tibi propter nos, quippe

cui